



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბახუტაშვილი ვლადიმერ ივანეს ძე

ბახუტაშვილი ვლადიმერ ივანეს ძე (23. III. 1931, თბილისი, –15. VI. 2005, იქვე), ვირუსოლოგი. საქართვე. მეცნ. აკად. წ.-კორ. (1983). მედ. მეცნ. დოქტორი (1968), პროფესორი (1969). საქართვე. სამედიცინო და სამედ.-ბიოლ. მეცნ. აკადემიების წევრი (1994).

1955 დაამთავრა თბილ. სახელმწ. სამედ. ინ-ტი. 1963-იდან დაიწყო სამეცნ.-პედ. მუშაობა ამავე ინ-ტში და საქართვე. მეცნ. აკადემიაში. 1980 – 91 იყო აკად. ა. ნათიშვილის სახ. ექსპერ. მორფოლოგიის ინ-ტის დირექტორის მოადგილე, 1991-იდან – მის მიერვე ორგანიზებული სამედ. ბიოტექნოლოგიის ინ-ტის დირექტორი.

ბ. იკვლევდა ვირუსული ინფექციების პათოგენებისა და იმუნიტეტის საკითხებს. დაადგინა შიგელების უჯრედშიდა პარაზიტობი და ვირუსული ინფექციების მნიშვნელობა დიზენტერიის პათოგენებში. გამოიკვლია ინფექციური პროცესის მოდელი უჯრედულ და ორგანოს კულტურებში (1985). ბ-ის ხელმძღვანელობით შექმნილია ახ. სამედ. პრეპარატი „პლაფერონი“, რ-საც იყენებენ ვირუსული ინფექციების სამკურნალოდ. მიღებული აქვს სახელმწ. ჯილდოები.

თხზ.: ტოქსოპლაზმობი, თბ., 1962; ექსპერიმენტული გრიპოზული ინფექციის მკურნალობა იმუნოდეპრესიის პირობებში, თბ., 1986; Иммунодепрессия и вирусные инфекции, Тб., 1981 (თანაავტ.: Б. Н. Корсантия, М. Г. Тохадзе); Перинатальные вирусные инфекции и интерферон, Тб., 1983 (თანაავტ. Б. Н. Корсантия).
